

Razgovor domaćih životinja

Narator: Jednog dana domaće životinje okupile su se u dvorištu i počele razgovarati o tome kako svaka od njih pomaže ljudima.

Narator: Koze prve rekoše:

Koze: Mi ljudima dajemo mlijeko i oni od njega prave sir.

Narator: Ovce se nasmiješiše i dodadoše:

Ovce: I mi pomažemo ljudima. Dajemo im mlijeko, meso i vunu od koje prave toplu odjeću.

Narator: Krave mirno rekoše:

Krave: I mi dajemo mlijeko i meso. Drago nam je što možemo biti korisne.

Narator: Tada se oglasiše i svinje:

Svinje: I mi pomažemo ljudima. Od nas dobijaju različitu ukusnu hranu.

Narator: Volovi polako progovoriše:

Volovi: Mi radimo na njivi i pomažemo ljudima da obrađuju zemlju.

Narator: Konji klimnuše glavom:

Konji: I mi radimo i pomažemo ljudima da prevoze teret.

Narator: Kokoške zakokodakaše:

Kokoške: A mi svaki dan snesemo jaja!

Narator: Psi veselo zalajaše:

Psi: Mi čuvamo kuću i stado. Volimo pomagati čovjeku.

Narator: U tom trenutku dođoše i mačke. Tiho i umiljato rekoše:

Mačke: I mi imamo svoju ulogu. Lovimo miševe i tako čuvamo kuću.


Narator: Životinje se tada pogledaše i složiše:

Sve životinje: Svako od nas radi nešto važno i korisno za čovjeka.

Narator: Psi ponovo veselo zalajaše i rekoše:

Psi: Kada slušamo jedni druge, poštujemo se, sarađujemo i lakše živimo u miru i slozi.

Narator: Okupljena družina se tada polako i zadovoljno razide iz dvorišta.



KRAVA

Ja sam krava, jedna od najkorisnijih domaćih životinja. Tijelo mi je pokriveno mekom i kratkom dlakom, bijele, smeđe ili crne boje. Na nogama imam papke i pripadam grupi papkara. Ja sam biljojed, hranim se travom, djetelinom i sijenom. Moje mladunče se zove tele, a mužjak bik. Od mene ljudi dobijaju mlijeko i meso. Moje mlijeko je veoma zdravo i neophodno u ishrani male djece. Od njega se dobijaju sir, kajmak, jogurt i pavlaka. Živim u štali i oglašavam se mukanjem.



OVCA

Ja sam ovca. Kažu da sam mirna i plašljiva životinja. Tijelo mi je prekriveno vunom koja je bijele, smeđe ili crne boje. Krupne oči omogućavaju mi da vidim bolje od većine domaćih životinja. Na nogama imam papke i pripadam grupi papkara. Volim da pasem travu, ali se hranim i kukuruzom, pšenicom i lišćem različitih biljaka. Moje mladunče se zove jagnje, a mužjak ovan. Ljudi me gaje zbog mesa, mlijeka, vune i kože. Od mog mlijeka se može praviti sir. Od moje vune se pletu džemperi. Oglašavam se blejanjem i živim u štali.



MAČKA

Ja sam mačka. Tijelo mi je prekriveno dlakom koja može biti različitih boja i dužina. Hitre su i brze moje šapice, imam odličan sluh, a po mraku vidim kao po danu. Dobar sam lovac. Moje mladunče se zove mače, a mužjak mačak. Korisna sam ljudima jer lovim miševe i druge sitne štetočine, a djeca me vole jer sam umiljata i slatka. Volim da se mazim i predem. Mačke su poznate po svojoj čistoći. Čistim se tako što ližem svoje krzno.



KOZA

Ja sam koza, veoma brza i spretna domaća životinja. Na nogama imam papke i pripadam grupi papkara. Tijelo mi je prekriveno bijelom, gustom, dugom dlakom, a na glavi imam male rogove. Hranim se skoro svim tipovima rastinja, ali najviše volim grmlje i šibljje. Moje mladunče se zove jare, a mužjak jarac. Ljudi me uzgajaju zbog mesa, mlijeka, kože i dlake. Oglašavam se meketanjem. Najprijatnije se osjećam u planinskim i krševitim krajevima.



SVINJA

Ja sam svinja. Moja koža može biti roze, crne ili bijele boje. Noge su mi kratke i imam papke pa pripadam grupi papkara. Rep mi je kratak i uvijen. Moje mladunče se zove prase, a mužjak vepar. Volim da jedem skoro sve, pa me zato zovu svaštojed. Ipak se na farmama, uglavnom hranim travom, kukuruzom, pšenicom i koncentratom. Gaje me najviše zbog mesa i dlake. Živim u svinjcu, a oglašavam se groktanjem. Volim da se valjam u blatu.




KONJ

Ja sam konj, tijelo mi je prekriveno kratkom dlakom, veoma je meko i raznih boja. Na glavi imam grivu. Na nogama imam kopite pa pripadam grupi kopitara. Jedem samo biljnu hranu. Volim svježu i suhu travu, zob, ovas, kukuruz i ječam. Moje mladunče se zove ždrijebe, a ženka kobila. Koriste me za vuču i prenošenje tereta, a ima konja koji služe samo za trkanje i jahanje. Djeca me vole jer smatraju da je jahanje veoma zabavno, a i ja volim njih jer me uvijek nagrade kockom šećera ili mrkvom. Živim u štali i oglašavam se rzanjem.



PATKA

Ja sam patka, pernata domaća životinja. Po tijelu imam perje, a noge su mi posebno oblikovane da mogu lakše da plivam. Hranim se travom, sjemenjem, raznim biljkama, insektima ili životinjicama koje žive pod vodom. Moje mladunče je pače, a mužjak patak. Ljudi me gaje zbog mesa, jaja i perja. Živim u seoskom dvorištu ili u blizini vode. Omiljena zabava mi je plivanje i ronjenje u barama, potocima i rijekama.



KOKOŠ

Ja sam kokoš. Imam žuti kljun i crvenu krijestu. Tijelo mi je pokriveno perjem pa spadam u pernate životinje. Hranim se pšenicom, kukuruzom, raznim biljkama, crvićima i insektima. Moje mladunče zove se pile, a mužjak pijetao. Ljudi me gaje jer im dajem jaja, meso i perje. Jaja su veoma zdrava i jako važna za rast i razvoj djece. Uglavnom živim u kokošinju. Oglašavam se kokodakanjem.



PAS

Ja sam pas, najstarija domaća životinja. Imam odlično razvijeno čulo mirisa, dobro pamtim i vjeran sam čovjeku. Hranim se uglavnom mesom i kostima. Moje mladunče se zove štene, a ženka kuja(keruša). Moj posao je da čuvam kuću, stoku ili da pomažem policiji. Više od svega volim da se igram s djecom. Oglašavam se lajanjem.



--	--



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:

2. Način ishrane:

3. Gdje živi?

4. Koristi?

5. Mužjak, ženka i mladunče:

6. Oglašava se:



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:


2. Način ishrane:

3. Gdje živi?

4. Koristi?

5. Mužjak, ženka i mladunče:

6. Oglašava se:



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:
2. Način ishrane:
3. Gdje živi?
4. Koristi?
5. Mužjak, ženka i mladunče:
6. Oglašava se:



NA SLICI JE _____

1. Izgled:

2. Način ishrane:

3. Gdje živi?

4. Koristi?

5. Mužjak, ženka i mladunče:

6. Oglašava se: